

Reglugerð þessi sem samin er og samþykkt af hreppsnefnd Vatnsleysustrandarhrepps staðfestist hér með samkvæmt lögum um gatnagerðargjöld nr. 51/1974 til þess að öðlast gildi þegar í stað.

Jafnframt er úr gildi felld reglugerð nr. 389 frá 23. júlí 1980 um gatnagerðargjöld í Vatnsleysustrandarhreppi.

Félagsmálaráðuneytið, 1. júlí 1985.

F. h. r.

Hallgrímur Dalberg.

Hólmfríður Snæbjörnsdóttir.

REGLUGERÐ

um loðnuveiðar.

1. gr.

Íslenskum skipum eru allar loðnuveiðar bannaðar nema að fengnu sérstöku leyfi sjávarútvegsráðherra. Getur ráðherra bundið leyfi þess, og úthlutun þeirra þeim skilyrðum sem þurfa þykir m. a. að aðeins hljóti leyfi skip er loðnuveiðar hafa áður stundað.

2. gr.

Ráðherra getur ákveðið skiptingu hámarksafla milli loðnuskipa m. a. með hliðsjón af stærð þeirra og gerð, svo og heimilað flutning á úthlutuðum aflakvóta milli skipa.

3. gr.

Ráðuneytið getur bannað loðnuveiðar á ákveðnum svæðum og stöðvað þær alveg í tiltekinn tíma þyki ástæða til þess, m. a. vegna verndunarsjónarmiða og til þess að stuðla að sem bestri hagnýtingu loðnunnar.

Ennfremur getur ráðuneytið ákveðið hækkun eða lækkun á leyfilegu veiðimagni loðnuskipanna, komi til breytinga á leyfilegu heildarveiðimagni.

4. gr.

Skipstjórar loðnuveiðiskipa skulu tilkynningaskyldir við loðnunefnd samkvæmt lögum, reglugerðum og fyrirmælum nefndarinnar.

5. gr.

Bannað er að veiða smáloðnu minni en 12 cm að lengd, sé hún verulegur hluti af loðnuafli fiskiskips.

Lágmarksstærð loðnu er mæld frá trjónuoddi að sporðsenda.

6. gr.

Sé skipstjóri fiskiskips í vafa um hlutfall smáloðnu í aflanum, þá ber honum, áður en verulega hefur verið þrengt að loðnunni í nóttinni að taka sýnishorn af aflanum í smáriðinn háf og mæla 100 loðnur valdar af handahófi. Reynist fleiri en 50 loðnur vera undir 12 cm að lengd ber honum að sleppa loðnunni þegar í stað.

7. gr.

Nú kemur loðnuveiðiskip með loðnufarm til hafnar blandaðan smáloðnu og er þá loðnumóttakanda skylt að ganga úr skugga um, hvert sé hlutfall smáloðnu í aflanum, á þann hátt að tekin skulu þrjú sýnishorn valin af handahófi með 100 loðnum í hverju. Sé hlutur smáloðnu, sbr. 6. gr., að meðaltali úr þesum þremur sýnishornum meiri en 55%, skal loðnumóttakandi gera Ríkismati sjávarafurða aðvart, sem gengur úr skugga um stærðarhlutföllin á sama hátt og að framan greinir og gerir sjávarútvegsráðuneytinu aðvart, sé hlutur smáloðnu yfir 55%.

8. gr.

Þrátt fyrir ákvæði 5. gr., er sjávarútvegsráðuneytinu heimilt að veita leyfi til að veiða á smáloðnu til niðurlagningar.

9. gr.

Með mál, sem rísa út af brotum á reglugerð þessari, skal farið að hætti opinberra mála og varða brot viðurlögum samkvæmt ákvæðum laga nr. 81 31. maí 1976, um veiðar í fiskveiðilandhelgi Íslands með áorðnum breytingum og ákvæðum laga nr. 34 17. maí 1976, um veiðar íslenskra skipa utan fiskveiðilandhelgi Íslands.

10. gr.

Reglugerð þessi er sett samkvæmt lögum nr. 81 31. maí 1976 um veiðar í fiskveiðilandhelgi Íslands með áorðnum breytingum og lögum nr. 34 17. maí 1976, um veiðar íslenskra skipa utan fiskveiðilandhelgi Íslands, til þess að öðlast þegar gildi og birtist til eftirbreytni öllum þeim, sem hlut eiga að máli.

Sjávarútvegsráðuneytið, 4. júlí 1985.

F. h. r.

Árni Kolbeinsson.

Jón B. Jónasson.

Nr. 286

Staðfesting forsetans á skipulagsskrá fyrir Minningarsjóð Áslaugar Þórðardóttur (nr. 750), útgefin á venjulegan hátt, að mandatum, af dómsmálaráðherra 12. júlí 1985.

Skipulagsskráin er þannig:

VIÐAUKASKIPULAGSSKRÁ

fyrir Minningarsjóð Áslaugar Þórðardóttur (nr. 750)

1. gr.

Viðauki þessi er gerður af stjórn Hvítabandsins.

2. gr.

2. gr. skipulagsskrár fyrir minningarsjóð Áslaugar Þórðardóttur orðist svo:
Tilgangur sjóðsins er að styrkja líknar- og heilbrigðismál að mati stjórnar hverju sinni.

Leita skal staðfestingar á viðaukaskipulagsskrá þessari.